



18. juuni 2024

UKA2024/imm. 74

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Pisortat pigisaannik filmiortitseqatigiiffimmik atortorissaarutinillu pisariaqartinneqartunik pilersitsisinnissamik Naalackersuisut suliaqaqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartuni ilaasortaq Doris Jakobsen Jensen, Siumut)

### **Tungavilersuut:**

Nunatsinni aningaasarsiorfigisinnaasatsinnik amigaateqarpugut aningaasarsiutigisinnaasagullu inerisartuartariaqarpagut nutaaliornikkut isumassarsiortuarnikkullu.

Nunarput nunarsuarmioqatitsinnik soqutigineqaleraluttuinnartoq atorluartariaqarparput, mittarfissuartaalerpugut periarfissallu annertusisussaapput. Ullumikkut aalisarneq annertunerpaamik aningaasarsiutigaarput allanilli aningaasarsiutigisinnaasatsinnik nutaanik nassaartariaqarpugut. Aningaasarsiutigisinnaasatta ilagivaat nunatsinni filmiortarnerup inerisaaffiginissaa, assersuutigalugu nunarsuarmi filimiliat ilai nunatsinni ingerlanneqarsinnaagaluartut nunani allani filmiartarneruput nunatsinni filmiortarneruput iluamik inerisaasimanginnerput tungavigalugu. Inatsisartut ukiakkut ataatsimiinneranni filmiortarneruput inatsisissatut siunnersuutip suliarineqarneranut atatillugu, kalaallit nunatsinni filmiortarneruput ingerlatsineruput sinaakkutissamik pilersitsisoqassaaq, taamaalilluni filmiortarneruput ingerlatsineruput atatillugu filmisittimik aammalu filmkommissionimik pilersitsineruput kinguneqassalluni, taakkulu filmiortarneruput ingerlatseriaatsinik allaffissornikkut aammalu piginnaasamik ineriartortitsinissamut ikorfartuutaassapput. Filmiortarneruput inatsisissamut sinaakkutissat pilersinneqarpata pisariaqalertussaavoq, nunatsinni kiisalu nunatta avataanit filmiortarneruput suliaqartut sullinneqarsinnaassappata, atortutigut pisariaqartitat aamma eqqartornissaat.

Nunarsuarmi filmiortarneruput ingerlatseqatigiiffissuit nunani assigiinngitsuni pinngorartinneqarsimapput, ass.:

- Hollywood (United States)
- Bollywood (India)
- Nollywood (Nigeria)
- China



- Japanese Cinema
- South Korean Cinema
- French Cinema
- UK Film Industry
- Baltic Film Services
- Il. il.

Aamma nunat qanigisagut soorlu nunat avannarliit naggueqatigullu inerisaanikuupput aningaasarsiutigilluarlugillu.

Ullumikkut nunatsinni filmiliarineqarsinnaagaluartut ilarpassui nunani allani filmiliarineqartaput nunatsinniituusaartillugit kalaallinik imaluunniit kalaalingasunik inuttaliinnarlugit. Naak nunatsinni filmiliorneq ingerlanneqartuuppat filmit pitsaassusaannut iluaqutaasinnaagaluartuq aningaasatigullu isaatitsissutaalluarsinnaagaluarluni. Ass. filmiliortarfiit tamakkua inuppasuarnik sulisoqartarput, garage-anik angisuunik peqartarput, film scenet ataatsikkut arlallit illorsuarmi suliarineqarsinnaallutik silamilu, sulisut 100-200 miss. Sullittarput. Garage-t angisoorsuit saniatigut trailerit filmiliortittartunut piareersimatinneqartarput qasuersaarfigineqarsinnaasut, privateqarfiusinnaasut, stylistinut/nujalerisunut, pinnerasaartunut atorneqarsinnaasut aammalu atisanik isumaginnittunut allaffissornikkullu suliaqartunut. Trailerit saniatigut biilerpassuit filmiliornermi atortorissaarutinut naleqqussakkat, sulisorpassuit saniatigut, filmiliortittunut sulisunullu biiliussisartut, ilitsersuisut allarpassuillu ulapputtarput.

Filmiliortittut filmiliortiffiup nunap avataaneersut sulisullu avataaneersut hotelinik akimanersiukkanik qaammataini arlalinni atuisarput angallattarlutillu ass. sap. ak. tamaasa timmisartorlutik angallattarput soorlu filmiliortittunut sungiusaasoq ass. Tuluit Nunaanneeruni sungiusaariarluni weekend nunaminut angerlapallattarpoq ullumininnguillu peqanngeriarluni uteqqipallattarlutik. Imaappoq filmiliornermik ingerlatsisut nunarsuarmi aningaasarpassuit atortarpaat aningaasanik sipaannguaratik.

Filmiliornermik ingerlatseqatigiiffik, pisariaqartitanillu atortutigit pigisaqartoq, nunatsinnit pigineqartoq, amigaatigaarput. Tamanna namminersortut aallartissinnaavaat aammali pisortanik aallartisarneqarsinnaavoq. Kalaallinut filmiliortittartunut aammalu nutaassanut iluaqutaassooq, nunatta aningaasarsiorneranut iluaqutaassooq nunattalu ilisimaneqarnerulernissaanut iluaqutaassalluni. Taamaattumik siunnersuutigaara filmiliornermik ingerlatseqatigiiffimmik nunatsinnit pigineqartumik illutaanik pigisanillu pisariaqartunik pilersitsinissamut Naalakkersuisut piareersarlutik aallartissasut.

Ingerlatsivik taamatut ittoq pilersinneqarpat piorsarsimassutsikkut kinaassutsitsinnut nukittorsaataallunilu nunatsinni filmiliortartut oqaluttuariniakkaminnik pilersitsisinnaanissaannut siammarterinissaannullu tunngaviliisussaavoq. Aalasuliornermut sanaartorfimmik, nutaaliasunik atortorissaarusersukkamik pilersitsineq tamakkuninnga aallutaqartunit, nunatsinneersunit kiisalu aamma nunatta avataaneersunit, soqutigineqaleriartortussaavoq, taamalilluni tassuunatigut



suliaqarneq aningaasarsiornerlu annertusiartortussaalluni. Tamannalu ilutigalugu, kingornussarsiatta, filmiliorneq aqqutigalugu, tammatsaaliornissaannut avammullu siammarternissaannut qulakkeerinnittussamut aningaasaliinerussooq naleqarluartoq.

**Pisortanut aningaasatigut allaffissornikkullu kingunerisassai:**

Naatsorsuutigineqarpoq pilersitsinermut aningaasartuutissat 2 mio kr. missaanniissinnaasut

**Namminersortutut ingerlatalinnut aningaasaatigut allaffissornikkullu kingunerisassai:**

Suliap ingerlanneqarnerani namminersortunut aningaasatigut kinguneqassanngilaq.

**Innuttaasunut aningaasatigut allaffissornikkullu kingunerisassai:**

Suliap ingerlanneqarnerani innuttaasunut aningaasatigut kinguneqassanngilaq.